



**ՀԱՅԱՍՏԱՆ ՀԱՆՐԱՊԵՏՈՒԹՅԱՆ ՍՆԱՆԿՈՒԹՅԱՆ ԴԱՏԱՐԱՆ
Ո Ր Ո Շ ՈՒ Մ
ՍՆԱՆԿՈՒԹՅԱՆ ԳՈՐԾԸ ՎԱՐՈՒՅԹ ԸՆԴՈՒՆԵԼՈՒ ԵՎ ՆԱԽՆԱԿԱՆ ԴԱՏԱԿԱՆ ՆԻՍՏ
ՀՐԱՎԻՐԵԼՈՒ ՄԱՍԻՆ**

<<25>> հունվարի 2024թ.

ք. Երևան

Հայաստանի Հանրապետության սնանկության դատարանի (այսուհետ նաև՝ Դատարան) դատավոր Արսեն Բաբայանս, ծանոթանալով <<Ամերիաբանկ>> ՓԲԸ-ի (այսուհետ նաև՝ Դիմող) ընդդեմ <<Բ.Մ.Լ Արզնի>> ՍՊԸ-ի՝ վերջինիս սնանկ ճանաչելու պահանջի մասին, թիվ ԿԴ1/0036/04/16 սնանկության գործի նյութերին,

Պ Ա Ր Զ Ե Ց Ի

Դիմողի ներկայացուցիչը դիմում է ներկայացրել Կոտայքի մարզի ընդհանուր իրավասության դատարան ընդդեմ <<Բ.Մ.Լ Արզնի>> ՍՊԸ-ի՝ վերջինիս սնանկ ճանաչելու պահանջի մասին:

Կոտայքի մարզի ընդհանուր իրավասության դատարանի (դատավոր՝ Տ. Փոլադյան) 18.05.2016 թվականի որոշմամբ դիմումն ընդունվել է վարույթ և սնանկության գործով ժամանակավոր կառավարիչ է նշանակվել Հակոբ Ասոյանը:

Կոտայքի մարզի ընդհանուր իրավասության դատարանի (դատավոր՝ Տ. Փոլադյան) 22.06.2016 թվականի վճռով <<Բ.Մ.Լ Արզնի>> ՍՊԸ-ն ճանաչվել է սնանկ:

Կոտայքի մարզի ընդհանուր իրավասության դատարանի (դատավոր՝ Տ. Փոլադյան) 02.11.2016 թվականի որոշմամբ սնանկության գործով կառավարիչ է նշանակվել Հակոբ Ասոյանը:

Կոտայքի մարզի ընդհանուր իրավասության դատարանի (դատավոր՝ Տ. Փոլադյան) 25.01.2017 թվականի որոշմամբ հաստատվել է պարտատերերի պահանջների վերջնական ցուցակը:

Կոտայքի մարզի ընդհանուր իրավասության դատարանի (դատավոր՝ Տ. Փոլադյան) 13.02.2017 թվականի որոշմամբ սկսվել է սնանկ ճանաչված <<Բ.Մ.Լ Արզնի>> ՍՊԸ-ի լուծարման վարույթ:

Կոտայքի մարզի ընդհանուր իրավասության դատարանի (դատավոր՝ Տ. Փոլադյան) 13.02.2017 թվականի որոշմամբ կասեցվել է պարտապանի գործունեությունը և գույքը կառավարելու և տնօրինելու պարտապանի բոլոր իրավունքները:

Կոտայքի մարզի ընդհանուր իրավասության դատարանի (դատավոր՝ Տ. Փոլադյան) 04.04.2017 թվականի որոշմամբ թույլատրվել է գույքի վաճառքը:

Կոտայքի մարզի ընդհանուր իրավասության դատարանի (դատավոր՝ Տ. Փոլադյան) 26.06.2017 թվականի որոշմամբ հայտարարվել է պարտապան <<Բ.Մ.Լ Արզնի>> ՍՊԸ-ի գույքի, հաշվապահական և այլ փաստաթղթերի նկատմամբ հետախուզում:

Կոտայքի մարզի ընդհանուր իրավասության դատարանի (դատավոր՝ Տ. Փոլադյան) 04.09.2017 թվականի որոշմամբ թույլատրվել է գրավի առարկայի արտադատական կարգով իրացումը և գույքը արգելանքից հանվել է:

Դատարանի (դատավոր՝ Ս. Փոլադյան) 21.11.2019 թվականի որոշմամբ <<Ամերիաբանկ>> ՓԲԸ-ի միջնորդությունը բավարարվել է և կասեցվել է Կարապետ Ալեքսանյանի կողմից <<Բ.Մ.Լ Արզնի>> ՍՊԸ-ի սնանկության գործով ներկայացված 15.000.000 ՀՀ դրամի չափով ապահովված պահանջի գրանցումը, մինչև թիվ ԿԴ2/0055/02/19 քաղաքացիական գործով եզրափակիչ դատական ակտի կայացումը:

Դատարանի (դատավոր՝ Ս. Փոլադյան) 15.12.2022 թվականի որոշմամբ <<ՎՏԲ-Հայաստան բանկ>> ՓԲԸ-ի միջնորդությունը՝ դատափաստաթղթաբանական փորձաքննություն նշանակելու մասին բավարարվել է և նշանակվել է դատափաստաթղթաբանական փորձաքննություն:

Դատարանի (դատավոր՝ Ս. Փոլադյան) 17.04.2023 թվականի որոշմամբ <<Բ.Մ.Լ Արզնի>> ՍՊԸ-ի սնանկության գործով Կարապետ Ալեքսանյանի կողմից ներկայացված պահանջի գրանցումը մերժվել է:

01.09.2023 թվականին Գագիկ Վլադիմիրի Հովհաննիսյանի կողմից Դատարան է ներկայացվել պահանջ:

15.09.2023 թվականին <<ՎՏԲ-Հայաստան բանկ>> ՓԲԸ-ի կողմից Գագիկ Վլադիմիրի Հովհաննիսյանի կողմից ներկայացված պահանջի վերաբերյալ ներկայացվել է առարկություն:

<<ՎՏԲ-Հայաստան բանկ>> ՓԲԸ-ի կողմից ներկայացվել է միջնորդություն՝ հայցային վաղեմություն կիրառելու վերաբերյալ:

ՀՀ պետական եկամուտների կոմիտեի կողմից ներկայացվել է միջնորդություն՝ հայցային վաղեմություն կիրառելու վերաբերյալ:

Հայաստանի Հանրապետության սնանկության դատարանի դատավոր՝ Ս. Փոլադյանի լիազորությունները կասեցվելու կապակցությամբ թիվ ԿԴ1/0036/04/16 սնանկության գործը 24.01.2024 թվականին վերամակագրվել է նույն դատարանի դատավոր Ա. Բաբայանին և դատավորի աշխատակազմին է հանձնվել 25.01.2024 թվականին:

Տվյալ դեպքում Դատարանը գտնում է, որ սնանկության գործը պետք է ընդունել վարույթ և հրավիրել նախնական դատական նիստ՝ 26.03.2024 թվականին, ժամը՝ 15:00-ին:


Ելնելով վերոգրյալից և ղեկավարվելով <<Սնանկության մասին>> ՀՀ օրենքի 1-ին հոդվածով, ՀՀ քաղաքացիական դատավարության օրենսգրքի 439-րդ հոդվածի 4-րդ մասով (օրինական ուժի մեջ է մտել 09.04.2018 թվականին) և ՀՀ քաղաքացիական դատավարության օրենսգրքի 144-րդ, 144'-րդ հոդվածներով (ընդունված 17.06.1998 թվականին, ուժը կորցրել է 09.04.2018 թվականին)

Ո Ր Ո Շ Ե Ց Ի

<<Ամերիաբանկ>> ՓԲԸ-ի ընդդեմ <<Բ.Մ.Լ Արզնի>> ՍՊԸ-ի՝ վերջինիս սնանկ ճանաչելու պահանջի մասին, թիվ ԿԴ1/0036/04/16 սնանկության գործն ընդունել վարույթ և հրավիրել նախնական դատական նիստ՝ 26.03.2024 թվականին, ժամը՝ 15:00-ին, Հայաստանի Հանրապետության սնանկության դատարանի վարչական շենքում (հասցե՝ ք. Երևան, Օտյան 53/2, դատական նիստերի դահլիճ թիվ 5):

Սույն որոշումն ուժի մեջ է մտնում կայացման պահից:

ԴԱՏԱՎՈՐ՝



Ա. ԲԱԲԱՅԱՆ